

| | | | |
|--------------|--|----------|------------|
| Headline: | Jurong General Hospital finds another 300 workers | | |
| Media Title: | Berita Harian (Mon-Sat) | | |
| Date: | 2010-02-13 | Section: | Local News |
| Page No: | 04 | Size: | 33x6 |
| Description: | Jurong General Hospital (JGH), which is slated to open in 2014, will have fan-shaped wards with a window next to each bed. | | |

Hospital Besar Jurong cari 300 lagi pekerja

Oleh ADLI YASHIR KUCHIT
adli@sph.com.sg

JURONG Health Services (JHS) yang mengendalikan Hospital Besar Jurong (JGH) mempunyai matlamat mendapatkan lagi 300 kakitangan sehingga Jun ini bagi mengisi pelbagai pekerjaan di hospital baru itu.

Biarpun hospital baru itu dijangka hanya siap pada 2014, JHS telah

pun mula mengenal pasti dan melatih kakitangan baru dengan bantuan Institut Pekerjaan dan Daya Kerja (E2i).

Ketua Eksekutif JHS dan JGH, Encik Foo Hee Jug, berkata pihaknya ingin memulakan proses mencari calon pekerja dan melatih mereka secepat mungkin.

"Kami mempunyai rancangan mendapatkan lagi 300 kakitangan

pada Jun ini dan selanjutnya ingin mencapai matlamat menggajikan 1,500 pekerja pada 2011.

"Kami berharap penduduk setempat yang berkelayakan akan tampil mengisi kerja-kerja yang ditawarkan," katanya.

Buat masa ini, JGH mempunyai sekitar 700 kakitangan.

Encik Foo berkata demikian ketika ditemui media di pameran ker-

jaya khidmat kesihatan di Hospital Alexandra kelmarin.

Di pameran itu, Encik Foo telah menunjukkan reka bentuk wad kelas C baru yang bakal disediakan di JGH.

Berbeza daripada wad-wad sedia ada, wad Kelas C di JGH kelak akan mempunyai ruang lebih besar.

Katil-katil akan diatur mengikut reka bentuk kipas dengan mengam-

bil kira konsep satu tingkap untuk setiap pesakit.

"Dengan adanya tingkap, edaran udara akan bertambah baik dan memanfaatkan sinar matahari.

"Pemandangan sekitaran luar juga boleh mempercepatkan proses pemulihan," kata Encik Foo.

Reka bentuk wad Kelas C itu juga direka untuk mengurangkan penularan penyakit di antara pesakit.

Di pameran semalam, lebih 50 ca-

lon pekerja hadir untuk mendapatkan maklumat serta mengetahui lebih lanjut tentang program latihan yang akan dijalankan.

Antara jawatan yang ditawarkan ialah Pembantu Maklumat Pesakit dan Pegawai Khidmat Pesakit.

Orang ramai yang ingin mendapatkan maklumat mengenai peluang-peluang pekerjaan itu boleh menghubungi E2i di talian 6474-3777.